



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

ascensus per scalas in IX. gradus virtutum. 21

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITÆ EVANG.

spiritus vniuntur & absorbentur, ipsumque in sua
 ipsorum intima essentia contemplantur & per-
 fruuntur. Et in hoc cœlo anima æternaliter con-
 templabitur Deum suum, in quo nunc habitat,
 cū quo vniū effecta est, ex quā emanauit & deifica
 est, & in quē refluit & spiritus cœlestis est & sen-
 tit, cogitat & intelligit vna cū angelis cœlestia,
 & videt, audit, odoratur, gustat & tangit æterna
 atque diuina. Et in hoc anima cœlo quam terrę vi-
 cinior est. ¶ Et cum Christi humanitatem indu-
 it, inter cœlum & terram, inter diuinitatē & hu-
 manitatem consistit. Et si tota cœlestis esse volu-
 erit, terrenam habitationem suā in Christi huma-
 nitate abscondere debet: sicque in ea nihil erit, nisi
 Deus homo, & ipsa nusquam in Deo habitabit. Sed
 nemo istud regnum cœlorum istumque thesaurum
 in sese inuenire, sentire atque aperire potest, nisi per
 clauem Dauid, quæ est Christus Iesus filius Da-
 uid. Nec potest quis ad istud cœlum perungere,
 nisi per Christum ascendere satagat & intrare.
 Quo facto, sine dubio thesaurum hunc, istudque re-
 gnum cœlorum inueniet. Clavis siquidem ista con-
 cta arcana referat, et quod ipsa aperit, nemo clau-
 dit, & quod claudit, nemo aperit. Quapropter in-
 giter hanc clauem penes nos circumferamus, &
 scrinio cordis nostri includamus, vt & nos vicis-
 sim ab ipso introduci, et in ipsius includi heredi-
 tate mereamur. Et istud est fundamentum atque
 sera omnium monasteriorum reclusoriorumque.

Qualiter tribus prædictis scalis ascendere
 debeamus per nouem gradus in tripli-
 ci vita.

Cap. XXI.

Tribus

LIBER II.

Tribus itaque prædictis scalis ad triplicem vitam ascendimus, actiuam videlicet, spirituale ac superessentialem: & quælibet habet in se tres gradus. Quidam namque actiuam vitam ducunt, sed vel ex timore, vt serui, vel spe lucri, vt mercenarij, non autem ex amore, nec cum virtutum discretionem. Quidam etiam in vita quidam spirituali constituti sunt, sed iram atque animositates suas uincere ac miti patientia superare, et seipsum, & ea quæ mundus amat continere nequeunt. Quidam denique vitam cõtemplatiuam superessentialẽ ducunt, sed infructuosi sunt, quia nimirum omnis eorum contemplatio in intellectu, in formis atque similitudinibus, & non in essentiali nuditate, & simplici quiete versatur.

¶ Proinde si proficere cupimus in hac triplici vita, & nouem his gradibus, qui in Christo Iesu perfecte existunt, per scalam nostram Christum Iesum (per quem & perficimur in ipsos nouem choros angelorum, quibus hæc scala vndique est vallata) ascendere debemus. Etenim quamlibet scalam tres angelorum chori circumstant, qui homini auxilium præstant, eique fideliter assistunt, quatenus ascendere in nouem virtutum gradibus, atque denuo nasci, vtque eius natiuitas renouari, & a generatione in generationem multiplicari, id est, vt ipse de vno choro in alium ascendere possit. Siquidem in vnoquoque choro per quem ascendit, eius generatio multiplicatur, & progenies ampliatur, & procedit a progenie in progeniem, & a generatione in generationem. Porro, quam negligentes in isto sint homines, ipse dominus querulando insinuat, dicens: Quia filij huius seculi pruden-

Q ij denti-

MARGARITAE EVANG.

dentiores, in sua videlicet negotiatione, filij lucis in generatione sua sunt. Abijciamus ergo omnia impedimenta, & per scalam hanc novem graduum ascendamus vsque ad regnum & patriam nostram, ad quam creati, conditi & facti sumus.

De primo gradu huius scale, qui est timor domini. Cap. XXII.

Primus autem in hac scala gradus siue scalaris, est timor domini, qui initium est salutis nostræ. Qui enim timet Deum, nihil negligit. Quicumque ergo Deum timet & eius mada ta custodiunt, hi ad primū gradum primūque chorū angelorum ascēdunt: & hoc per considerationem dñi nostri Iesu Christi, qui caput nostrum est, cuiusque mēbra nos sumus, quem (si abscindi nolumus, & perpetua velimus incēdia euadere) sequi nos oportet, & cum ipso ascēdere, attendēdo qualiter ipse semper cum filiali timore ac reuerētia cœlestem patrem suum reuerbatur, eiꝫ obediens et subditus erat, paratus implere, quicquid iussus fuerat. Quanto magis ergo nos miserit timere, eique per omnia obedire debemus?

¶ Quā ergo periculose agitur cum illis, qui Deum nō meruūt? Quātus eos tremor, quāta angustia inuadet in mortis articulo, q̄ forte adest iam præ foribus, cū iudiciū illud graue eis superueniet, in quo nulla excusatiōis velamina p̄ndere poterunt? Etenim qui Deum filialiter timent, in primum angelorum chorū recipiuntur: & non solum in morte ipsorum, sed ex hoc iā nunc præparatus est ibi locus eorū, quandiu in hoc gradu & in timore domini absque mortali peccato per-

stite-